

Aprél 30, 2008
Tapvainak SakKititaugialik

Atautsik AkKutik – Unuttunik IkajuttiKadluni

Nunatsiavut amma SilakKijapviligijet Canadami aulatsilâningit Niuggutet Pivitsangita katimanitsanganik

NAIN – Niuggutet katimannigilâttanga tapvani wogimi takutsautitsigi allalâlimmijuk sunanik Nunatsiavut atuinna Kammangât ilanganut sukkanippau Kataujumik piguvallialittumut kenaujaliugutigijaujuni tamâni nunalinni, uKajuk Kristy Sheppard, Nunatsiavut Aulatsijigijanga Niuggukatannimut.

“Pidjutigijaujuk tamatsumunga katimanniulâttuk atulluta Kaujisasimajattinik, piusigisimajattinik ammalu pigasuagutigijattinik pigiasititsigiamut uKâlaKatiKagiamik Inunnik ammalu Inunnik kenaujaliupviKajunik nalunaïttautitsigiamut pivitsagijaugunnatunik ilauKataugiamut nutâmik Nunatsiavut niuggukatattiligininimmut aulalittanganut,” uKajuk Ms. Sheppard. “Taimâk pivitsatâgunnalâgatta tukisigiamut uKumaittunik sakKisonguKattatunik niuggukatattiligininimmut kenaujaliupvimik pivalliatitsininimmi sivumuasongulâgatta piusiKalluta ikajusongugajattunik sakKititsisongugiamut tauttukKogusigijattit.”

Taijaugusilik “Atautsik AkKutik – Unuttunik IkajuttiKadluni”, tainna katimanniulâttuk ilaupviulâttuk ununnisaujunut 50-nit pisimajunik Nunatsiavummit, Nunavimmit, ammalu Prâvinsiup, federallelu kavamâginnit ammalu kiggatuttinginnit.

Gary Baikie, PulâgiaKattatut PiusigiKattatanginnik Aulatsijijujuk Tongait KakKasuangita Canadami SilakKijapviligijinginni uKajuk “sakKititsivugut katimanitsamik uKâlautiKagiamut pivitsagijaugunnatunik kenaujaliupviKajunik kinakkutuinnanik ilingajunut niuggukatannimut”.

KaujimaKatigegutet isumagijautillugit katimautitsak sakKititausimalittuk tungavigijautillugit “isumatsasiuKatigeguset” uKâlautigijautillugit niuggukatattiliginnit, kamagijauuattillugit imait, nunalet ammalu ikajuttigeguset piguvalliatitsigiamut tamatsumunga kenaujaliugusitsanik Nunatsiavummi, Ms. Sheppard uKajuk.

Tainna katimannisak kenaujaKattitaujuk ikajuttigenningitigut Nunatsiavut kavamanga, SilakKijapviligijet Canadami amma TauttilitsasipvigijauKattatut taijaujut Atlantic Canada Opportunities Agency.

Kaujigi allagumajut Kaujisagunnatut omangat:
Kristy Sheppard, Aulatsijik Niuggukatattiligininimmut
709-947-3568